

**ՄԱՅՐ ՏԱՃԱՐՈՒՄ ՌԻԽՏԻ ՊԱՏԱՐԱԳ ՄԱՏՈՒՅԵՅ ԵՎ
ՔԱՆԱՆԱՅԱԿԱՆ ՁԵՌՆԱԴՐՈՒԹՅՈՒՆ ԿԱՏԱՐԵՅ
ԳՈՒԳԱՐԱՅ ԹԵՄԻ ԱՌԱՋՆՈՐԴ
Տ. ՄԵՂՈՒՆ ԵՊՍ. ՉՈՒԼՋՅԱՆԸ**

Կիրակի, մայիսի 18-ին, Երևանի Ս. Խաչի փոնին, Մայր Աթոռ Ս. Էջմիածնում մատուցվեց հերթական Ուխտի Պատարագը: Մայր Տաճարի օծման 1700-ամյակի փոնակատարությունների ծիրից ներս այս անգամ եկեղեցականաց դասի առաջնորդությամբ Սուրբ Էջմիածին էր եկել Հայաստանյայց Առաքելական Եկեղեցու Գուգարաց թեմի ուխտապահ ժողովուրդը: Օրվա պատարագիցն էր թեմի առաջնորդ Գերաշնորհ Տ. Սեպուհ եպս. Չուլջյանը:

«Ս. Էջմիածնի խորհուրդը մեր հոգում ու մտքում վառ պահելու գիտակցությամբ, մեր նախնյաց ավանդությանը հավատարիմ, այսօր մենք ևս ուխտի ենք եկել՝ վերստին վերանորոգելու և վերափմաստավորելու համար մեր անցյալն ու ներկան: Մեր աղոթքն է, որ շարունակենք հավատարիմ մնալ Առաքելական մեր Մայր Եկեղեցուն, շարունակենք պահել մեր հոգևոր միասնությունը և փեղի չփանք ազգակործան մոլուցքով կուրացած օտարածին ու այլադավան կրոնական ու քաղաքական շարժումներին», - ասաց Սրբազան Հայրը:

Օրը հիշարժան էր նաև նրանով, որ հընթացս Ս. Պատարագի կատարվեց հինգ սարկավազների քահանայական ձեռնադրություն և օծում: Ձեռնադրող Սրբազան Հայրը մեկ-առմեկ օծեց ընծայացուների ճակատները, աջ և ձախ ձեռքերի ափերը՝ նոր անուններով կոչելով նրանց. Սարգիս սրկ. Կնյազյանը վերակոչվեց Տ. Խաչատուր քահանա, Արմեն սրկ. Պեպրոսյանը՝ Տ. Նշան քահանա, Արամ սրկ. Ղևոնդյանը՝ Տ. Շմավոն քահանա, Լևոն սրկ. Աղոսյանը՝ Տ. Կիրակոս քահանա, Հակոբ սրկ. Հովհաննիսյանը՝ Տ. Գրիգոր քահանա: Սեպուհ Սրբազանն իր քարոզում հորդորեց նորընծաներին լծվել ծառայասիրության և անմնացորդ նվիրումով ու սրբությամբ կրել Հիսուս Զրիստոսի քաղցր լուծը:

Նույն օրը, երեկոյան ժամերգության ընթացքում, կատարվեց Տ. Խաչատուր և Տ. Նշան նորած քահանաների վեղարի փվջության և աբեղայի օրհնության կարգը: